



AN COIMISIÚN
EORPACH

An Bhruiséil, 17.4.2018
COM(2018) 191 final

2013/0103 (COD)

**TEACHTAIREACHT ÓN gCOIMISIÚN
CHUIG PARLAIMINT NA hEORPA**

de bhun Airteagal 294(6) den Chonradh ar Fheidhmiú an Aontais Eorpaigh

maidir leis an

seasamh ón gComhairle i ndáil le glacadh Rialacháin ó Pharlaimint na hEorpa agus ón gComhairle lena leasaítear Rialachán (AE) Uimh. 2016/1036 maidir le cosaint i gcoinne allmhairí dumpáilte ó thíortha nach baill den Aontas Eorpach iad agus Rialachán (AE) Uimh. 2016/1037 maidir le cosaint i gcoinne allmhairí fóirdheontais ó thíortha nach baill den Aontas Eorpach iad

**TEACHTAIREACHT ÓN gCOIMISIÚN
CHUIG PARLAIMINT NA hEORPA**

de bhun Airteagal 294(6) den Chonradh ar Fheidhmiú an Aontais Eorpaigh

maidir leis an

seasamh ón gComhairle i ndáil le glacadh Rialacháin ó Pharlaimint na hEorpa agus ón gComhairle lena leasaítear Rialachán (AE) Uimh. 2016/1036 maidir le cosaint i gcoinne allmhairí dumpáilte ó thíortha nach baill den Aontas Eorpach iad agus Rialachán (AE) Uimh. 2016/1037 maidir le cosaint i gcoinne allmhairí fóirdheontais ó thíortha nach baill den Aontas Eorpach iad

1. CÚLRA

An dáta a tíolacadh an togra chuig Parlaimint na hEorpa agus chuig an gComhairle (doiciméad COM/2013/0192 final – 2013/0103 (COD)) 10/04/2013

Dáta an tseasaimh ó Pharlaimint na hEorpa, an chéad léamh: 16/04/2014

An dáta a glacadh an seasamh ón gComhairle: 16/04/2018

2. CUSPÓIR AN TOGRA ÓN gCOIMISIÚN

I gcomhréir leis an measúnú tionchair (SWD(2013) 105 final), is é is aidhm leis an togra lena leasaítear Rialachán (AE) Uimh. 2016/1036 (“an bunrialachán frithdhumpála”) agus Rialachán (AE) Uimh. 2016/1037 (“an bunrialachán frith-fhóirdheontais”), éifeachtacht leanúnach Ionstraimí Cosanta Trádála an Aontais a áirithiú in ainneoin dúshláin nua dhomhanda. Ní mór modhnuithe a dhéanamh freisin d’fhonn trédhearcacht agus intuarthacht a fheabhsú, foráil a dhéanamh maidir le bearta éifeachtacha chun fóirdheontais saofa trádála agus saobhadh amhábhair i dtríú tíortha a chomhrac, agus comhoibriú a éascú.

3. TRÁCHTANNA MAIDIR LEIS AN SEASAMH ÓN PHARLAIMINT NA hEORPA

Ghlac Parlaimint na hEorpa a seasamh ar an gcéad léamh an 16 Aibreán 2014. Mhol sí ann leasuithe ar thogra an Choimisiúin, amhail aitheantas do cheardchumainn agus do chaighdeáin shóisialta agus chomhshaoil in imscrúduithe cosanta trádála, an méadú ar bhearta cosanta trádála a fhad leis an scairbh ilchríochach agus limistéar eacnamaíoch eisiach Ballstáit, agus tacaíocht bhreise d’fhiontair bheaga agus mheánmhéide. Tar éis don Chomhairle a seasamh a ghlacadh ar an gcéad léamh, meastar go ndéanfaidh Parlaimint na hEorpa an comhaontú ar thángthas air i gcruinnithe tríthaobhacha a fhormhuiniú go foirmiúil.

4. TRÁCHTANNA MAIDIR LEIS AN SEASAMH ÓN gCOMHAIRLE

Léirítear leis an seasamh ón gComhairle an comhaontú ar thángthas air i gcruinnithe tríthaobhacha. Tacaíonn sé le togra an Choimisiúin agus déanann sé tuilleadh beachtaithe air, inter alia trí thréimhse réamhnochta de thrí seachtaine faoi réir choimircí in aghaidh stoc-charntha. I gcomhthéacs riail an dleachta níos lú, bíonn feidhm de ghnáth le bearta frithchúitimh ar leibhéal an chorrailigh fóirdheontais agus i gcásanna frithdhumpála tugtar

tairseach 17% isteach i leith amhábhhar saofa. Tá an dá cheann acu sin faoi réir tástáil maidir le leas an Aontais agus athbhreithniú ginearálta ar an gcleachtas sin i gceann cúig bliana. Tá aga imscrúdú frithdhumpála giorraithe. Chomh maith leis sin, áirítear le ríomh an spriocphraghais fheabhsaithe do thionscal na hEorpa an costas iomlán, infheistíocht, taighde agus forbairt agus nuálaíocht agus spriocbhrabús íosta de 6%.

5. CONCLÚID

Glacann an Coimisiún leis an seasamh ón gComhairle.